



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro
potissimum occurentibus Tomi primi Quaestionibus annexas, etiam S.
Rotae Romanae Decisiones Novissimae De Eadem materia editae, &
singulari studio selectae continentur - Hac postrema editione
praecedentibus duobus Tomis primum additus

Chokier, Érasme de

Coloniae Agr., 1684

Decisio CXXVIII. Ejusdem Argumento cum praecedenti.

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

DECISIO CXXVIII.
Ejusdem Argumenti cum præcedenti.

R. P. D. COCCINO.

Theatina Jurisdictionis.

Mercurii 4. Julii 1612.

SUMMARIUM.

Decisio 432.
par. 1. recent.

- 1 Enunciativa Papa antiqua probat, Ecclesiam esse in uno Territorio potius quam in alio, num. 2. in quo solvuntur census ejusdem Ecclesie.
2 Ecclesia dicitur esse in illo Territorio, 4 Enunciativa recentes, & nova non probant.

EX deductis in alia Theatina Jurisdictionis S. Joan. in Venere coram me sub die 4. Maji præsentis anni Domini resolverunt præposituralem Ecclesiam Sancti Leucii loci de Attilia esse intra fines Theatinæ Diocesis. Nam ultra ibi ponderata, quoad Bullas Nicolai II. Alexandri III. Innocentii III. Roman. Pontif. quæ Theatinæ limites propriis ducunt exprimens vocabulis, intra quos locum Attilia esse non ambigitur, considerarunt Domini easdem Bullas, Ecclesiam de qua agitur inter Ecclesias Theatino Episcopatus subjectas connumerare. Concurrit insuper Bulla Paschalis II. sub dat Beneven. Kal. Augusti Anno Domini 1115, in qua ex mera, & propria narrativa, & ex scripto Urbani II. idem Pontifex Ecclesiam S. Leucii de Attilia Episcopatus Theatino subjectam narrat.

Et prædicta validissimum recipiunt adminiculum ex enunciativa Nicolai V. de anno 1447 ex quo est antiqua, & emanavit ab habente auctoritatem disponendi super enunciato, juxta doctrinam Aretini in cap. cum causam il. 3. num. 16. de probat. & allegata in supradicta Theatina Sancti Joan. in Venere.

Concurrunt etiam census, & Procurationis solutio, de quibus constat ex Inventario antiquissimo reddituum, & Jurium Ecclesie Theatinæ factum in pergamento usque de anno 1393. cum quo concordant testes examinati in visitatione hujusmodi loci, facta Anno 1591. qui dantur in sumario, unde negari non potest, quin probetur talis situatio, Capitulo 2. de censibus, & fuit consideratum in latusina jurisdictionis coram

Litta.

Litta. 17. Februarii 1598. Et in Sabinen. seu Reatin. Abbatia coram Orano 4. Decembris 1592. Concurrit etiam sententia antiquissima ex aduerso producta, quæ multum facit, licet fortè non probaret concludenter.

Non obstant enunciativa Pii IV. & Pii V. pro parte Attissanorum in actis data, quia non probant, cum sint recentes, & novæ, Leg. non nudis, & L. non Epistolis. Cod. de probation. Leg. ex his verbis Cod. de testamen. Mult. Rot. decisione. 31. de probat. in antiq. Et in eadem Turvisina jurisdictionis coram Litta. & ita Domini firmanunt, alterâ tantum parte informante, &c.

DECISIO CXXIX.

Episcopus habet jurisdictionem in tota sua Diocesi, tam de jure communi, quàm vigore Concilii Tridentini; & qui sint actus, ex quibus probatur, quod Episcopus habuerit jurisdictionem de aliqua Ecclesia.

R. P. D. PIROVANO.

Nucerina Jurisdictionis.

Luna 1. Martii 1627.

Deciso 41.
par. 5. recent.

SUMMARIUM.

- 1 Episcopus habet jurisdictionem in tota sua Diocesi, tam de jure communi, quàm vigore Concilii Tridentini. num. 2.
- 2 Abbas per quos bene probatur, quod Episcopus habuerit jurisdictionem in aliqua Ecclesia, & num. 4. & 5.
- 3 Probatio concludens requiritur ad tollendum fundamentum intentionis alterius, consistens in dispositione in-
ris communis, & possessione comprobata.
- 4 Cum parte dismembrata transeunt omnia jura illius partis.
- 5 Beneficiorum Collationes non probant, quod quis in ea Ecclesia habeat jurisdictionem ordinariam num. 15.
- 6 Unio Ecclesia unius Diocesis ad Ecclesiam alterius, non privat Ordinarium.

Tit 3